



TOSHKENT DAVLAT YURIDIK UNIVERSITETI REKTORINING BUYRUG‘I

19.08.2024

460-tm-son

Toshkent davlat yuridik universitetida “Ma’rifat ulashib” loyihasini amalga oshirish chora-tadbirlari to‘g‘risida

O‘zbekiston Respublikasi Prezidenti Administratsiyasining 2024-yil 22-iyuldagi 03-1370-son topshirig‘i va O‘zbekiston Respublikasi oliy ta’lim, fan va innovatsiyalar vazirining 2024-yil 1-avgustdagi “Oliy ta’lim muassasalarida “Ma’rifat ulashib” loyihasini amalga oshirish chora-tadbirlari to‘g‘risida”gi 275-son buyrug‘ida belgilangan vazifalar ijrosini ta’minlash hamda Toshkent davlat yuridik universiteti talabalarini kitobxonlikka keng jalb etish hamda ularda kitob o‘qishga bo‘lgan qiziqishni oshirish orqali islohotlarda daxldorlik ruhida tarbiyalashga qaratilgan “Ma’rifat ulashib” loyihasini amalga oshirish maqsadida

BUYURAMAN:

1. O‘zbekiston Respublikasi oliy ta’lim, fan va innovatsiyalar vazirining 2024-yil 1-avgustdagi 275-son buyrug‘i ma’lumot va ijro uchun qabul qilinsin.

2. Buyruq bilan quyidagilar:

taniqli ijodkorlarning oliy ta’lim muassasalari va maktablarga tashrifi dasturi tasdiqlanganligi;

“Ma’rifat ulashib” loyihasi doirasida 2024-yilning sentabr-dekabr oylarida taniqli ijodkorlarning oliy ta’lim muassasalariga tashrifini tashkil qilish (2-davra va 3-davra) jadvallari tasdiqlanganligi;

Adiblar xiyobonida o‘tkaziladigan tadbirlarning samaradorligini yanada oshirish bo‘yicha 2024/2025-o‘quv yiliga mo‘ljallangan chora-tadbirlar dasturi tasdiqlanganligi;

loyiha doirasida oliy ta’lim muassasalari, umumta’lim maktablari, mahallalarga tashriflar Vazirlikning 2024-yil 17-apreldagi 122-son buyrug‘i bilan tasdiqlangan O‘zbekiston Yozuvchilar uyushmasi a’zosi bo‘lgan taniqli ijodkorlarni oliy ta’lim muassasalariga hamda ushbu oliygohlarga umumta’lim maktabi va ular joylashgan mahallalarni biriktirish jadvaliga muvofiq amalga oshirilishi belgilanganligi inobatga olinsin.

3. “Ma’rifat ulashib” loyihasi doirasida 2024-yilning sentabr-dekabr oylarida taniqli ijodkorlarning oliy ta’lim muassasalariga tashrifini tashkil qilish (2-davra va

3-davra) jadvallariga muvofiq Toshkent davlat yuridik universitetida 2024-yil 8-oktyabr kuni Suvon Melliye, To'liqin Eshbekov va Rahmon Qo'chqorov hamda 2024-yil 10-dekabr kuni Mamatqul Hazratqulov, Maqsud Jonixonov va Jumanazar Beknazarovlar ishtirokida uchrashuvlarni tashkil etish belgilanganligi inobatga olinsin.

4. "Ma'rifat ulashib" loyihasi doirasida 3-bandda nomlari ko'rsatilgan taniqli ijodkorlar bilan uchrashuvlarni hamda Toshkent davlat yuridik universiteti (bundan buyon matnda – Universitet) rektorining 2024-yil 27-apreldagi 68-um-son buyrug'i bilan tasdiqlangan tartibga muvofiq universitetda va birlashtirilgan umumta'lim maktablari va mahallalarda yuqori saviyada tashkil etilsin.

5. "Ma'rifat ulashib" loyihasini tashkil etish bo'yicha mas'ullar (N.Ramazonov, E.Rahmatov):

Universitetga birlashtirilgan O'zbekiston yozuvchilar uyushmasi a'zosi bo'lgan shoir va yozuvchilar bilan Universitetda, birlashtirilgan maktablarda va mahallalarda uchrashuvlarni o'tkazish reja-jadvalini tasdiqlatsin;

"Ma'rifat ulashib" loyihasi doirasida universitetda, birlashtirilgan maktab va mahallalarda belgilangan tadbirlarni Vazirlikning 2024-yil 17-apreldagi 122-son hamda 2024-yil 1-avgustdagi 275-son buyruqlarida belgilangan tartib asosida yuqori saviyada tashkil etish choralarini ko'rsin;

mazkur buyruqning 3-bandida nomlari ko'rsatilgan taniqli ijodkorlar bilan uchrashuvlarni belgilangan muddatlarda va tartibda yuqori saviyada tashkil etilishini ta'minlasin;

shoir va yozuvchilar bilan uchrashuv o'tkazilishidan oldin ular haqidagi ma'lumotlarni talaba va o'quvchilarga yetkazish, Jamoatchilik va OAV bilan aloqalar bo'limi (J.Haydarov) bilan birgalikda anons roligini tayyorlash hamda universitet va birlashtirilgan umumta'lim maktablarining sahifalarida keng yoritish choralarini ko'rsin;

uchrashuvlarga puxta tayyorgarlik ko'rgan holda o'tkazilishini ta'minlasin;

birlashtirilgan adiblarning asarlariga bag'ishlangan onlayn viktorina, "Munozara", "Zakovat" intellektual o'yini, spektakl, mushoira kechasi va chellenjlar uyushtirish, "Yashil makon" loyihasi doirasida ko'chat ekish, gulxan atrofida suhbat tashkil etish, "Eng yaxshi insho" tanlovini o'tkazish hamda talabalarning adiblar bilan fotosessiyaga tushishlarini tashkil etish;

Jamoatchilik va OAVlari bilan aloqalar bo'limi (J.Haydarov) bilan birgalikda "Ma'rifat ulashib" loyihasi doirasidagi tadbirlarni tele va radio kanallar, internet sahifalari va ijtimoiy tarmoqlar orqali keng yoritish, shu jumladan uchrashuvlar yuzasidan videoroliklar tayyorlab keng tarqatish choralarini ko'rsin.

6. Toshkent davlat yuridik universiteti tomonidan 2024/2025-o'quv yili davomida Adiblar xiyobonida o'tkaziladigan tadbirlar rejasi ilovaga muvofiq tasdiqlansin.

7. Ma'naviyat va ma'rifat markazi (Sh.Po'lotov) fakultet dekanlari va mas'ul tarkibiy bo'linmalar bilan birgalikda ilovada belgilangan Adiblar xiyobonida o'tkaziladigan tadbirlarni yuqori saviyada tashkil etilishini ta'minlasin.

8. Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov:

“Ma’rifat ulashib” loyihasini universitetda va biriktirilgan umumta’lim maktablari hamda mahallalarda belgilan tartiblarga rioya qilgan holda yuqori saviyada tashkil etilishini nazoratga olsin;

Axborot resurs markazi (X.Pirmedova) bilan birgalikda Axborot resurs markazini talabalariga o’qish uchun tavsiya etiladigan eng sara kitoblar bilan ta’minlash uchun takliflar tayyorlash hamda mazkur asarlarning talabalar tomonidan ommaviy mutolaa qilinishi, ushbu badiiy asarlar taqdimotlarining o’tkazilishini choralarini ko’rsin;

davlat teatrlarida sahnalashtirilgan spektakllarga reja-grafik asosida talabalarni olib borish hamda tavsiya etilgan filmlar namoyishini universitetda tashkil etilishini nazoratga olsin;

adiblar xiyobonida o’tkazilishi belgilangan tadbirlarni yuqori saviyada tashkil etilishini nazoratga olsin.

9. Fakultet dekanlari “Ma’rifat ulashib” loyihasi doirasida universitetda o’tkaziladigan tadbirlar haqida talabalarni xabardor qilgan holda ularning ishtirokini ta’minlash choralarini ko’rsin.

10. Moliya-iqtisod masalalari bo'yicha prorektor A.Iminov:

“Ma’rifat ulashib” loyihasini TDYUda va biriktirilgan umumta’lim maktablari hamda mahallalarda tashkil etganligi uchun O‘zbekiston yozuvchilar uyushmasi a’zosi bo‘lgan shoir va yozuvchilar Isojon Sulton, Rahmon Qo‘chqor hamda Begali Eshonqulovlarga Yoshlar masalalari va ma'naviy-ma'rifiy ishlar bo'yicha birinchi prorektorning bildirgisiga ko'ra belgilangan miqdordagi qalam haqi to'lash, ularning hududlarga ijodiy safari (borish-kelish yo'l chiptalari, mehmonxona va ovqatlanish) bilan bog'liq barcha xarajatlarni universitetning byudjetdan tashqari mablag'lari hisobidan qoplanishi nazoratga olsin;

TDYUda biriktirilgan shoir va yozuvchilar bilan o’tkaziladigan uchrashuvlar jarayonida sarflanadigan xarajatlarni universitet mablag‘lari hisobidan qoplanishini nazoratga olsin;

tavsiya etilgan spektakllarga talabalarni olib borish hamda filmlar namoyishini universitetda tashkil etilishini uchun zaruratga ko‘ra chiptalar xarid qilinishini nazoratga olsin.

11. Ma'naviyat va ma'rifat markazi (Sh.Po'lotov) hamda fakultet dekanlari spektakl va filmlar namoyishiga talabalarni jamoaviy ishtirok etishini ta'minlasin.

12. Mazkur buyruq ijrosi nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

A.KUSHMATOV



Moliya-iqtisod ishlar bo‘yicha
prorektor

A.IMINOV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

M.NODIROV



Boshqarma boshlig‘i

D.MAXKAMOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV



Bosh buxgalter

M.PARPIYEV



Katta yuriskonsult

A.TURSUNOV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

SH.BOBODO‘STOV

